

kontuola...

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 58. zenbakia. 2000ko maiatzaren 12a.


Telefoniako antenen arazoa

Antzuolan lau antena jarri dira mendietan, arautu barik

Deskargan, Estalan, Altzetan eta Ursalton jarri dituzten telefoniako antenek ez dute inongo araudirik betetzen. Udalak zigorrak jarriko dizkie Airtel, Euskaltel eta Telefonica enpresei. Izan ere, telefonia mugikorrerako behar diren antenak baimen barik jarri zituzten guztiek.

Aspaldian sakelako telefonoak ugaltzearen ondorioz, udalak gure artean, eta horrekin batera, beste fenomeno bat ere eman da gure mendietan: antenen ugaltzea. Horixe adierazi digute udaletxetik eta baita horretan ari diren enpresen aurkako neurriak hartuko dituztela ere. Telefono hauentzako antenak ugaltzearen ondorioz jarri dira mendietan. Izan ere, erabat zahaztu gabeko arautegia dago, eta ez dute inongo oztoporik horrelakoak egiteko.

Gure herrian Telefonica jarri zuen lehenengo antena. Enpresa honek Deskargan jarri zuen telefonia mugikorrerako antena, eta baimen barik egin zuen nahiz eta beranduago beharrezko eskaerak egin zituen. Airtel enpresak, bestalde, Altzetan jarri zuen antena. Honek ere ez zuen baimenik eskatu horretarako, eta hantxe segitzen du antenak. Hurrengo enpresa Euskaltel izan zen. Honek, ordea, baimena eskatu zuen, Estalan jarri nahi zuen antena jartzeko. Ho-



Estala ondoan dago Euskaltelen antena.

rreren aurrean, udalak, ingurumenean ahalik eta eragin txikiena izan zizan, hobekuntza batzuk egin zetzan eskatu zion Euskalteli. Honek, ordea, antena mar-

ra sakelako telefonoak eta antzerako eskaintzak egiten dituzten enpresak, eta norbaitek hartu beharko du hori arautzeko ardura.

txan jarri du, baina oraindik ez du udalak eskatutakoa bete.

Arazo hau oraindik konpondu barik zegoela, Ursalton beste antena bat jarri zuen Euskaltelek. Oraingoan, baimen barik egin zuen.

ZIGOR ESKAERA

Gauzak horrela, telefonia mugikorrerako lau antena daude Antzuolan. Eta udala enpresa hauen aurkako neurriak hartzeko beharrezko pausoak ematen hasi da. Antenak gutxitzea eta ahal den neurrian leku bakar batean jartzea da helburua. Hala ere, udalaren eskaera horren aurrean enpresek ezintasun teknikoak jartzen dituzte tarteko, eta, gainera, gune horien erabilera publikoa dela esaten dute.

Honen aurrean, udalak ezin izaten dute ezer egin, legeak ez diete eta eskumenik ematen horretarako.

Ikusi egin behar, beraz, nola amaitzen den arazo hau. Izan ere, gero eta gehiago di-

■ ■ ■
Baimen barik jarri dituzte mendian
telefonia mugikorrerako antenak
■ ■ ■

Herria hazten ari dela eta, konponketa ugari aurreikusten ditu udalak

Herriko lau auzotan hobekuntza lanak egingo dira

Aiherra kalean, Kalebarrenen, Eguzki auzoan eta Errekalden hobekuntza lanak egingo ditu udalak urte honetan zehar. A-30 izenez ezagutzen den gunean egiten ari diren etxebizitzak direla eta, udalak beharrezkoa ikusi du ingurune guztia hobetzea. Hori dela eta, lanak aurtengo urtean egingo dira.

Udalak bultzatutako etxebizitza blokeak aurtengo amaituko dira, eta enpresa pribatu batek ere aurtengo hasiko ditu beste bi etxebizitza bloke egiteko lanak. Ekimen pribatukoak hamaseina etxebizitzatako blokeak izango dira; guztira, beraz, hogeita hamabi etxe. Auzo horretan 108 etxebizitza egingo dira, eta guztiak amaitu arte denbora pasatuko den arren, auzoaren urbanizazioa aurtengo amaitzea espero du udalak. 150 milioi pta.ko aurrekontua du horretarako, eta Aiherra kalearen jarraipena aurreikusten da horren barruan. Horrela, bi norabide-tako etxea egingo da. Zazpi metro izango ditu zabalera eta 300 luzera. Baina horretaz gain, azpimarragarriena egingo diren aparkalekuak izango dira. 150 autorentzako lekua izango du Aiherra kalean egingo den aparkalekuak. Eta hortxe bertan igerilekuak aurreikusten dira. Oraindik ez da ezer zehaztu horren gainean, eta datorren hilabeteko osoko bilkuran aztertuko dutela esan digute udal ordezkariak. Dena dela, egin nahi den kirol instalakuntzen proiektua egitea izango da bultzatuko den lehen pausoa.

FRONTOI BIDEA

Olaran etxean egiten ari diren lanak aprobetxatuz, Frontoi bidean ere hobe-



Eguzki auzoan argiteria publikoa berriztuko da.

kuntza lanak egingo dira. Horrela, bada, A-30 gunean lanak hasten direnean hasiko dira, Frontoi bidekoak ere. Frontoi inguruan dauden exerlekuak berriztu egingo dira eta baita iturri inguruko zuhaitzak ere. Bide batez, anbulatorioko sarrera berezia egingo da, gutxitu fisikoendako aldapa egokia izango duena. 45 pezeta milioiko aurrekontua dute lan hauek, eta, gainera, Kalebarren 1 eta 3.ean dauden garajeak botatzeko negoziaketak hasi ditu Antzuolako udalak. Izan ere, garajerik egongo ez balitz Kalebarren eta Frontoi bidearen artean egiteko aukera legoke.

ERREKALDE AUZOA

Auzo horretako hobekuntza lanak jasotzen zituen proiektua aspalditxo egin zen

arren, oraindik ez dira egin beharreko lanak amaitu. Orain arte, argiteria publikoa, umeentzako jolasak eta jardinak baino ez dira txukundu. Hurrengo pausoa, zoladura konpontzea da. Zulo asko dago, eta lekuetara iristea ere ez da batera erraza. Lan hauek egiteko aurrekontua 25 milioi pezetakoa da.



EGUZKI AUZOA

Errekalden argiteria publikoa berriztu bazen, Eguzki auzoan oraintxe egingo dute hori, bai eta jardinak txukundu ere. Urtebeteko epea jarri du udalak bi konponketa horiek eta trafikoaren kontrola eta aparkalekuen hobekuntza aurrera eramateko. Izan ere, Beheko auzoan eta Eguzki auzoan aparkalekuak eguneroko arazo dira.

LARREA

TABERNA

Kalebarren 17
ANTZUOLA



Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditentek bideratzen ditugu

Nagore Igarzak, Renault etxearen Diseinu onenaren Saria jaso zuen

Nagore Igarzak 21 urte ditu eta Bartzelonan dabil diseinu grafikoa ikasten. Hirugarren urtea du Nagorek Bartzelonan eta oraindik beste ikasturte bat gelditzen zaio ikasketak amaitzeko. Baina bera dagoeneko hasi da lanean. Eta ez du batere gaizki egiten, gainera.

Nagorek Bartzelonan egin berri den Estatu mailako diseinu lehiaketa bat irabazi du. Obretan zegoen eraikin baten horma estaltzeko erabiltzen den oihal handi horietarako irudia egitea zen lana. Nagorek "txirringilletiarekin" jolasean ari zen ume baten argazkia aurkeztu zuen. Berak esan digun bezala "lehiaketia Renault autoen etxiak antolatzen zeban eta gurpillekin zeozer egittia erabaki neban. Amari txirringilletia bialtzeko eskatu notsan eta gero plaiara jua nitzan argazki kamariarekin ume baten billa".

Dirudienez, antolatzaileek lanak estaltzeko oihalean ez dute azkenean Nagoreren lana ipini, baina seguruenen publizitate kanpaina batean erabiliko dute bere ideia. Laister, bada, txirringilletia ikusiko dugu telebistan Renault etxearen autoren bat iragartzen.

Nagorenarekin batera hamar lan aukeratu zituzten Renault etxeak antolatutako lehiaketarako. "Eskolan neria aukeratu zeben zurrumurrua zabaldu zan. Baiña nik eneban ilusiñorik egitterik nahi. Azkenian, baiña, arduradunetako bat etorri jaten honezkero jakingo nebala, baiña neu nitzala irabazlia, eta Bartzelonako Diseinu Zentro berriztura jua bihar nebala sarixa jasotzera". Eta Nagorek horixe egin zuen. DCD edo Bartzelonako Diseinu Zentrora joan zen. Izan ere, zentro honetan berrizte lanak egin dituzte eta inaugurazio ekitaldia aprobeztatu zuten diseinu sariak banatzeko.



Nagorek datorren urtean amaituko ditu diseinu ikasketak.

Kontuak kontu, Nagorek Jordi Pujoli eskua emateko aukera izan zuen, bai eta Renault etxeko arduradunei ere eta epaimahaikide zen Mariscal diseinatzaileari. Dirudienez, Pujoli Nagore izena ezaguna egin zitzaion eta ia euskalduna zen galdetu zion. "Itxuria danez, berak Nagore izeneko napar bat ezagutzen zeban eta horregaittik galdetu zoztan naparra nitzan eta nik ba, euskalduna nintzala, baiña gipuzkoarra esan notsan".

Nagorek berak ikasten duen eskolarako milioi bat pezeta lortu du sariarekin. Berak, berriz, Pariserako bidaia eskuratu du eta bere kurrikulumean hone-lako izen handia duen etxe baten saria irabazi duela jartzeko aukera. "Parisera eztakit juango naizen. Lan askorekin nabil, eta udan oporretara jua bihar naizenez, lehenbailehen lanak bukatzia kome-ni jat eta eztot uste astixa emongo dostenik. Ikusi egin bihar".

Renault autoen etxeak antolatutako diseinu lehiaketa irabazi zuen Bartzelonan

GAILUR
taberna eta
gozotegia

Buztinzuri 13 ANTZUOLA
Tf. 943 78 70 32

Igor eta Txomin

Margoak orokorrean


ANTZUOLA BERGARA
609 157 131 609 150 164

GOROSTI
Taberna

☎ 943 76 62 96
Zurrategi plaza ANTZUOLA

ANTZUOLA
Apainketak eta isola-
menduak
Pladurrezko dibisioak

Kalegoi 21 ANTZUOLA
Tf.: 943 72 30 05
Biltegia: 943 78 70 40



Arrolak Iparla mendira ibilaldia egingo du.

Piriniotara mendi irteera Arrolarekin

Arrolak Pirinioetara irteera antolatu du maiatzaren 20 eta 21eko astebururako. Euskal Pirinioetara irteera antolatu dute, eta zapaturako eta domekarako mendi irteerak zehaztuta dituzte. Zapatuan, esate barako, Bidarrai-Iparla-Izpegi mendi buelta egingo dute. Bost ordu-

ko ibilaldia izango da hori, eta lo, afaldu eta domekako gosaria Erratzuko kanpinean egingo dute. Domekan ere ibilaldi luzea izango dute: Baigorritik Donibane Garazirako bidea, gutxi gorabehera lau ordukoa izango da: GR-10 bidetik egingo dute.

EGIN KIROLA EUSKARAZ

Deba Arroko Euskara eta Kirol Zerbitzuak "Irabazleak behar ditugu, Euskaraz denok irabazten dugu" izeneko kanpaina jarri zuen martxan. Helburua, kirola egiten den aldiro euskaraz egitea da. Dagoeneko iritsi dira sentsibilizazio kanpaina horren azkenengo aldira. Maiatzaren 13 eta 14an, zapatuan eta domekan, kirola euskaraz egitera animatzeko hainbat material banatuko dute Deba Arroko herrietan, Antzuolan ere bai. Pegatinak, eskola kirola egiten ari direnendako txapatxoak, taldeetako kirolariendako postalak eta kirola egiten den eraikinetan jartzeko pankartak.

PATXIKU TXERREN TXIKI IPUINGINTZA

Hamahiru urtetik beherakoentzat antolatu zen ipuingintza honetan 24 haurrek hartu zuten parte. Eta guztien artean zozketa bat egin zen. Axterixen ipuin bana jasoko dute parte hartzaileetako zortzik. Udal liburutegiak aurkeztutako ipuin guztiekin bilduma bat egingo da. Bestalde, Patxiku Txerren Literatur lehiaketari dagokionez, oraindik epaimahaiak ez du erabaki ezer irabazlearen gainean. Datorren astean zehar jakingo da zer egingo duten.



bertako hizkeria

Aurreko Kontuolako erantzun zuzenak:

1. Eskribidu leike papel honetan?.
2. Juango gara trago bat hartzera hurrengo tabernara?

Sarituak: Goretzi Fernandez eta Usoa Agirre.

Eskuman erantzunak idatzi ostian, moztu eta laga Antzuolako udal liburutegixan, DATORREN EGUAKITZA BAIÑO LEHEN.

Erantzun zuzenen artian 5.000 pezeta eta "Antzuolako hizkera" liburuaren ale bat zozketatuko dittugu hamabostero.



Egin X bat esaldi zuzenari

1. A Eruango dostazu Bergararaiño?
B Eruango nazu Bergararaiño?
2. A Nere amandriak bi seme izen zittuan:
Peru eta Marixa
B Nere amandriak bi seme-alaba izen zittuan:
Peru eta Marixa

Izen-abizenak eta telefonua:

KALEGOI 19 ☎ 943 76 64 07

Tomas Gezalaga

ANTZUOLA BERGARA

• Zoruen kutxilatatu eta barnizatuaketa •

EGAÑA

Era guztietako arotz lanak

Tarima eta parketa jartzea
Zoruen kutxilatatu eta barnizatuak

Kalegoi 21, ANTZUOLA Tf.: 943 76 64 23

KALEGOI 19 ☎ 943 76 64 07

Tomas Gezalaga

ANTZUOLA BERGARA

• Apainketarako eta Industriarako pinturak •
• Paper margotuak •
• Mokatet eta tapizatuak •